

Broj: 01-7374-11/16
Dana, 09.08.2016.godine

Na osnovu člana 31. Statuta JZU Univerzitetskog kliničkog centra Republike Srpske i člana 70. Zakona o javnim nabavkama BiH („Sl. glasnik BiH“, broj: 39/14), donosim sljedeću

ODLUKU O PONIŠTENJU POSTUPKA NABAVKE

I

Na osnovu Prijedloga Komisije za provođenje otvorenog postupka, koji je objavljen na Portalu javnih nabavki broj: 1255-1-2-410-3-105/16 od 23.06.2016. godine, donio sam odluku da se postupak nabavke radi dovođenja u potpuno funkcionalno stanje KT aparata GE Healthcare Lightspeed VCT 64, poništi.

II

Za sprovođenje ove Odluke zadužuje se Služba za javne nabavke i istraživanje tržišta.

O izvršenju ove Odluke odgovorna lica su obavezna da redovno informišu Generalnog direktora.

Obrazloženje:

Nakon provedenog postupka, pregleda i ocjene ponuda utvrđeno je da po objavljenom otvorenom postupku radi dovođenje u potpuno funkcionalno stanje KT aparata GE Healthcare Lightspeed VCT 64 kao najpovoljniji izabran je ponuđač „**MEDTECH**“ d.o.o. **Beograd**. Obavještenje o izboru najpovoljnijih ponuđača proslijeđeno je svim učesnicima dana 27.07.2016. godine.

Izabrani ponuđač, koji nije odmah uz ponudu dostavio tražene dokaze po članu 45. stav (1) tačka od a) do d) Zakona o javnim nabavkama BiH, bio je dužan da u roku od **5 dana** od dana prijema Odluke o izboru najpovoljnijih ponuđača dostave dokumente koji su traženi tačkom 7.1.3. tenderske dokumentacije, a kojima će potvrditi vjerodostojnost date Izjave o ispunjavanju uslova iz člana 45. Zakona. Dokazi su, u skladu sa tačkom 7.1.4. tenderske dokumentacije, morali biti fizički dostavljeni na protokol ugovornog organa najkasnije peti dan po prijemu Odluke o izboru, u radnom vremenu ugovornog organa (do 15,00 sati), te za ugovorni organ nije relevantno na koji način su poslati. Dokazi koji se zahtjevaju moraju biti **originali ili ovjerene kopije**.

S obzirom da je izabrani ponuđač Odluku o izboru zaprimio dana 27.07.2016. godine, bio je dužan da tražene dokaze po članu 45. Zakona dostavi na protokol ugovornog organa najkasnije 01.08.2016. godine do 15,00 sati.

Izabrani ponuđač je u predviđenom vremenskom roku dostavio tražene dokaze po članu 45. stav (1) tačka od a) do d) Zakona o javnim nabavkama BiH, međutim dostavljeni dokumenti su naznačeni na dan: 29.07.2016. godine, što ukazuje da u momentu predaje ponude iste nije posjedovao. Zakon o javnim nabavkama BiH jasno navodi da dokumenti ili uvjerenja kojima se potvrđuje vjerodostojnost date Izjave o ispunjavanju uslova iz člana 45. Zakona, navedena u tački 7.1.3. **ne smiju biti starija od 3 mjeseca računajući od trenutka dostavljanja ponude.**

S obzirom da u predmetnom postupku nabavke nije bilo drugorangiranog prihvatljivog ponuđača kome bi se u skladu sa članom 72. stav 3) Zakona o javnim nabavkama BiH ponudilo zaključenje ugovora za predmetne lotove, to je u skladu sa članom 69. stav 2. tačka d) Zakona o javnim nabavkama („Sl.glasnik BiH“, broj: 39/14), odlučeno kao u dispozitivu Odluke.

Pouka o pravnom lijeku:

Protiv ove Odluke pravo žalbe ima svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je bila ili je mogla da bude u konkretnom postupku javne nabavke prouzrokovana šteta zbog postupanja ugovornog organa, a koja se u žalbi navodi kao povreda Zakona i podzakonskih akata od strane ugovornog organa. Žalba se podnosi ugovornom organu, u pisanoj formi, u roku od deset dana od prijema pisane Odluke o poništenju dijela postupka nabavke na način predviđen članom 99. Zakona o javnim nabavkama BiH.

DOSTAVLJENO:

1. Svim učesnicima
2. Sl. za javne nabavke i istraž. tržišta
3. A r h i v a.

GENERALNI DIREKTOR

Prof. dr sc. med. Mirko Stanetić

